

BOSNA I HERCEGOVINA
FEDERACIJA BOSNE I HERCEGOVINE
TUZLANSKI KANTON
OPĆINSKI SUD U TUZLI
Broj: 32 0 St 474952 24 St
Tuzla, 01.10.2025. godine

Općinski sud u Tuzli, sudija Antonela Đaković, kao stečajni sudija, u postupku prethodnog ispitivanja prijedloga za pokretanje stečajnog postupka nad dužnikom „BON AMADEA“ d.o.o. za ugostiteljstvo, transport, trgovinu i usluge, Tuzla, ul. Peje Markovića br.12, Tuzla, donio je

RJEŠENJE

JAVNO SE POZIVAJU predlagač, povjerioci i sva zainteresovana lica da u roku od 30 (trideset) dana od dana objavljivanja rješenja u Službenim novinama F BiH predlože otvaranje stečajnog postupka i na depozitni račun Suda, broj: 132-100-03091233-91 NLB banka dd Sarajevo, predujme iznos od 2.500,00 KM, na ime obezbjeđenja troškova stečajnog postupka nad dužnikom „BON AMADEA“ d.o.o. za ugostiteljstvo, transport, trgovinu i usluge, Tuzla, ul. Peje Markovića br.12, Tuzla, te da dokaz o izvršenoj uplati dostave sudu pozivom na broj predmeta.

Ukoliko u ostavljenom roku niko od pozvanih ne predloži otvaranje stečajnog postupka i ne uplati određeni predujam, sud će donijeti Rješenje o otvaranju i istovremenom zaključenju stečajnog postupka.

Ako zainteresovana lica predlože otvaranje stečajnog postupka i uplate određeni predujam u navedenom roku, sud će otvoriti stečajni postupak i voditi ga u skladu sa odredbama Zakona o stečaju.

Rješenje će biti objavljeno u Službenim novinama F BiH, web stranci suda i oglasnoj ploči suda.

Obrazloženje

Sud je dana 12.08.2025.godine pokrenuo prethodni postupak radi utvrđivanja uslova za otvaranje stečajnog postupka nad imovinom privrednog društva „BON AMADEA“ d.o.o. za ugostiteljstvo, transport, trgovinu i usluge, Tuzla, ul. Peje Markovića br.12, Tuzla, a za privremenog stečajnog upravnika imenovan je Damir Aščerić iz Tuzle, ul. Miroslava krleže broj 17. Dana 08.09.2025.godine privremeni stečajni upravnik je dostavio Izvještaj o provedenom prethodnom stečajnom postupku.

Iz izvještaja privremenog stečajnog upravnika proizilazi da navedeni privredni subjekt ne raspolaže sa imovinom koja može pokriti troškove stečajnog postupka. Preostali neuplaćeni predujam za predhodni postupak će činiti dio stečajne mase za pokriće troškova stečajnog postupka. Također stečajni dužnik nema poslovnih prostorija jer je prestao sa poslovanjem prije više od trinaest godina, da je poslovanje stečajnog dužnika je prekinuto i ne postoji mogućnost nastavka poslovanja ni djelimično, jer društvo nema potrebne opreme za rad, nema zaposlenih i gubitak društva je iznad visine kapitala, da su obaveze društva se odnose na neplaćene obaveze za neplaćene javne prihode i pripadajuće kamate i takse na dan 20.09.2024.godine u iznosu od 19.366,90 KM (bez doračunate zatezne kamate). Društvo nema redovnih prihoda i ne može izmiriti sve

obaveze prema njihovom dospjeću. Računi društva kod poslovnih banaka su blokirani. Društvo je nelikvidno od 2009.godine jer račun je u blokadi od 5.3.2009.godine kada je i nastala prva platežna nesposobnost kao i trenutno. Društvo je promijenilo računovođu u 2023. godini i sačinilo finansijske izvještaje za 2023.godinu. Finansijski izvještaji nemaju analitičku evidenciju i zbog navedenog nije bilo moguće uraditi detaljnu kontrolu poslovanja društva, jer isti ne oslikavaju realnu sliku društva. Stečajni upravnik je mišljenja da su ispunjene pretpostavke za otvaranje stečajnog postupka nad imovinom dužnika „BON AMADEA“ d.o.o. za ugostiteljstvo, transport, trgovinu i usluge, Tuzla, ul. Peje Markovića br.12, Tuzla.

Stečajni dužnik a što proizilazi iz izvještaja i mišljenja privremenog stečajnog upravnika nije u roku od 60 dana od dana nastupanja platežne nesposobnosti podnio prijedlog za otvaranje stečajnog postupka.

Ispitujući prijedlog za pokretanje stečajnog postupka sud je utvrdio da je prijedlog za otvaranje stečajnog postupka dopušten i osnovan obzirom da je stečajni dužnik platežno nesposoban.

Cijeneći da su ispunjeni uslovi za otvaranje stečajnog postupka, a nakon provedenog prethodnog postupka i dostavljenog izvještaja privremenog stečajnog upravnika, te da je utvrđeno da stečajni dužnik nema imovine za podmirenje obaveza, sud je u smislu odredbe čl. 102 stav 7. Zakona o stečaju pozvao povjerioce i sva zainteresovana lica da izvrše uplatu troškova finansiranja stečajnog postupka u visini od 2.500,00 KM iz kojih sredstava će biti finansirani svi troškovi stečajnog postupka (nagrada i naknada stečajnom upravniku, objavljivanje rješenja u službenim novinama, izrada pečata za društvo u stečaju, podnošenja finansijskih izvještaja nadležnim institucijama sve do postupka brisanja društva dužnika iz sudskog registra privrednih društava), obzirom da prema prijavi privremenog stečajnog upravnika društvo ne posjeduje imovinu.

Ukoliko povjerioci ili neko od zainteresovanih lica u ostavljenom roku ne izvrši uplatu predjuma troškova za vođenje stečajnog postupka, sud će otvoriti stečajni postupak i odmah ga zaključiti u skladu sa odredbama člana 102. stav 8. Zakona o stečaju (Službene novine FBiH broj 53/21).

Odluka o dostavi rješenja i javnom oglašavanju putem oglasne ploče suda, WEB stranice Općinskog suda u Tuzli i javnog objavljivanja u Sl. Novina F BiH, zasniva se na odredbi člana 103. stav 8. Zakona o stečaju.

Stečajni sudija

Antonela Đaković

POUKA O PRAVNOM LIJEKU: Protiv ovog rješenja nije dozvoljena žalba.